



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Petrus ab Angelis n. 102

urn:nbn:de:hbz:466:1-38486

mero Vniuerso mundo celeberrimæ & colendissimæ Iesuiticæ
Societatis huius partis fautores Theologos recenseam. Tota
enim hæc Familia iuxta sui Ordinis Decretum à Congregat.
5. Generali Can. 55. vbi præcipitur quod sequantur senten-
tiam, quæ magis hoc tempore communis est, magisque re-
cepta, huic parti adhæret. De hac igitur vnica splendidissima-
que Religione, speciale hoc affirmare quibimus, nullum sci-
licet ex illa prodijſſe qui (quod sciam) Immaculatæ Concep-
tionis Mariæ aduersarius extiterit. Quin (quod in magnum
illius decus cedit) quadraginta, & amplius celeberrimos
Theologos recensere possem, qui pro illa strenuissime mili-
tarunt, &c. Omnesque suis nominibus recenset.

101. A NICOLAO A IESV MARIA *Discalceato Polono*
in Apologia, sive Propugnaculo Religionum Proposit. 59. fol. mibi 119.
Atque hæc (*inquit*) quam sunt glorioſa, & honorifica Reli-
gioſis, nihil tamen præclarus, aut glorioſus, quam noui or-
bis conuersio, quæ opera Religiosorum choro incumben-
tium inchoata est, & eorum adhuc opera propagatur. Quam-
tus etiam Societas IESV à choro auctoritate Apostolica ex-
empta, insignem huic rei operam nauarit, & nauet, &c. Et
postea *Proposit. 84. fol. 195.* Societatem, sanctissimam, & incly-
tam appellat. Et rursus *Proposit. 86.* excludens inanem timorem
cuiusdam Theologi afferentis Prædicatores ex eleemosynis viventes,
veritatem dicere non audere, & vitia libere corrigere, hec in contra-
rium subiungit *fol. 204. col 2.* Nunquid etiam (vt omittam alios
Ordines) Religiosi Ordinis Minorum, & Societatis IESV
Professi soleminiter, non audent veritatem palam profiteri;
aut timent benefactores offendere, corrigendo eorum vitia,
etiamsi paupertatem in communi profiteantur? Oppositum
certe monstrant fructus insignes editi in Ecclesiam Dei ab
istis Religionibus, quos longum esset recensere.

102. * A PETRO DE ANGELIS, etiam *Discalceato*
Priore Conuentus D. Hermenegildi Matritensis in Censura Tomi 1.
Monitorum Spiritualium D. Teresie, commentatore P. Alfonso de
Andrade

Andrade nostræ Societatis, vbi hæc habet. Non sine consilio, sed supreni Numinis prouidentia factum arbitror, vt Parentis nostræ scripta ad clarissimi Patriarchæ Ignatij filios currant, vt vbi primas auras ebibere, inde noui luminis incrementa mutuentur. Cum enim in primis spiritualis vitæ incunabulis à filijs huius magni Parentis Euangelicæ perfectionis naœta fuerit initia, par erat, vt ex eadem familia inauratum candelabrum foret, ex quo eius scripta nouis decorata fulgoribus Orbi vniuerso, fulgentes, qui in ipsis latebant radij propalarentur. Iacobum filium ad Labam mittebat Rebeca, fuge ad Labam fratrem meum Gen.27. vt vbi enutritus, nominis, ac diuitiarum incremento ditatus, maiori gloria eluceret, nullibi enim sibi in animum induxerat prudens mater charissimo filio certiore magnitudinis, ac gloriæ cumulum posse accrescere, quam, vbi ipsa fuerat nata, & enutrita, vt inquit Caietanus. Beatissima igitur Teresia felicem hunc suæ mentis partum noua lumina ambientem ad Ignatianam familiam Rebecæ imitatrix solertia immittit è cælo, vt vbi ipsa naœta est Euangelicæ perfectionis cunas, superiorisque alimenta vitæ recepit, caro fœtui illustrius splendoris iubar affulgeat, magnitudinisque ditescat incremento: nec feliciter minus Teresiæ, quam Rebecæ suæ curæ cesserunt, si enim Iacobo itineris lassitudinem leni somno subleuant, scala visa, cuius cacumini innitebatur Deus, ac cuius sublimes gradus, qua sursum, deorsumque Angeli peragabant, haud aliter nouello huic Teresiæ germini contigit: etenim cum obliuionis somno credebatur oppressus, supremi Numinis prouidentia Angelum ei destinat ex ijs vnum, qui Ecclesiæ scalam perambulant, tali enim titulo Ignatij Patriarchæ filios par est insigniri, nam si Angeli eo nomine decorantur, teste Caetano, quia Nuncij Dei sunt, quis diligentius, attentiusue hocce munus in militantis Ecclesiæ Cælo exequitur, quam Illusterrimæ huius familiæ filij? Illi orbem vniuersum quauersum lustrantes, idololatris lumina subministrant, illi fideles,

B.Teresia
spiritualis
vita rudi-
menta so-
cietati de-
bet.

Gen.27:
43.

*Et suorum
Commen-
tariorum
noua lu-
mina.*

Societatis
filij Angeli
Ecclesiæ
Scalam
perambu-
lantes.

*Eorum ve-
ria munia
in animarū
utilitatē.*

fideles, ne qua exorbitent cæli viam edocent, innumerisque per varias terrarum partes sparsi veritatis calles ostendunt, incessanterque Euangelijs semina vel per Orbis extre mos angulos spargunt. Hæc edidit Petrus ab Angelis; & quid aliud Angelus loqueretur, nisi Societatis filios nobili Angelorum titulo decoraret?

*Ignatius
Sol sanctissimi
sime Societatis insti-
tutor.*

103. AB HELIA A S. THERESIA Etiam Discalceato Tom.

1. de legatione Ecclesia triumphantis ad militantem lib. 2. cap. 31. num. 14. Ab Aurora, inquit, deueniamus ad Solem, videlicet

Ignatium de Loyola sanctissimæ Societatis institutorem, & fundatorem: Deus bone, quas non difficultates & impedimenta obiecit Satanæ diuinissimo huic Viro, dum Societatem ab eo condendam præsentisceret, cuius alumni tam strenuè, tam viriliter, tam animosè contra suos emissarios hæreticos, essent decertaturi. Sed inuictus, & à spiritu sancto

interius confortatus S. Ignatij animus, omnes illas difficultates, & remoras veluti leuissimas quisquilias illæso pede conculcauit, prostrauit, superauit. Condita est Societas, ne quidquam frendente Diabolo, frustra insanientibus hæreticis, in cassum obluctantibus pseudochristianis. Hæc nimirum

est, vt quodammodo illud ex sacra Scriptura huc applicare liceat; illa offensionis petra, in quam hæretici impingentes, alliduntur, confringuntur, comminuantur: hic est ille Ignis quem Deus è cælo mittere, & in mundo accendere volebat

per D. Ignatium, veluti quoddam ignitabulum, excitatus, qui amburit Hæreticos: hinc tot istorum clamores, tot in Societatem vociferationes, conuicia & calumniae, quia scilicet ab hoc igne urgentur, haud secus quam olim nescio

quis impius Apollinis Sacerdos, qui Paulinum iudicem in S. Vitalem Martyrem incenderat, inclamare cœpit, Tu me nimium Vitalis Martyr incendis. Reuera de duobus hisce Sanctis Ignatio nimirum & Xauerio intelligere possumus

illud Genesis 1. Fecit Deus duo luminaria magna: luminare maius, vt præcesset diei, & luminare minus, vt præcesset nocti.

De

*Ignatius
luminare
maiis diei,
Christianæ
Orbis præ-
sidens.
Gen. 1. 16*